

Makitibi ki dɔsay ki Pol ndangi adi Təsaloniki je

*Ta ki dɔ makitibi ti ki dɔsay ki Pol ndangi adi
Təsaloniki je*

Təsaloniki e ɓe ki kəte e ɓe bo ki isi dɔ made je ti, go nangi ti ki Masəduwan ki dije ki Rom isi dɔ ti. Masəduwan ki a ki jam dɔ ɓe ti ki Girəsi, kaw ki lo kibə kadi ti be.

NGa ningə, e kaw mba ti lə Pol ki ko joo ki aw mba kilə mbe Poy Ta ki Maji kin ə, ɔti Pilipi ti aw Təsaloniki, ində gin njé kaw-naa je ki Təsaloniki ti. Nə lo kadi Pol isi Təsaloniki ti ndɔ ngay goto, tado Jipi je madi ki ɔsi-e ta. E be ə, ra adi Pol əi ki Silasi, tusi Təsaloniki iyəi, ə ɔti law ba awi Bəre ti (Knjk 17.1-10). Dəkagilo ki rangi go ti nga ɓa, Timote ki təl re Təsaloniki, aw ingə Pol Koreti ti, ade poy njé kaw-naa je ade oo (1Təsa 1.6). Lo kin ti ə, Pol a ndangi-n makitibi ki dɔsay kin, kaw ki ɓal ti ki 51 je be go Jəju Kirisi ti. Njé sangi gin makitibi je əli təkɪ makitibi ti ki dɔsay ki Pol ndangi adi Təsaloniki je kin e makitibi ki ndange a e nɔ makitibi je ti ngay ki me Kilə-mindi ti ki Sigi.

Poy njé kaw-naa je ki Pol oo, ade rənəl ngay. Be ə, me makitibi ti ki Pol ndangi adi-de kin, ra oyo Luwə mbata njé kaw-naa je ki Təsaloniki ki təli ne ndaji ki maji mbata lə ndəgi njé kaw-naa je ki dɔnangi Masəduwan ti. Pol ole mede dɔ kilə ti ki e wa ra dande ti, ningə əl-de təkɪ n-ndigi ngay kadi n-təl n-oo-de tɔ (1.1-3.13). Pol ilə dingəm mede ti kadi uwəi

təgide ba nım, kadi təgi ki kəte me njiyə naa ti ki Kirisi nım (4.1-12).

Ta ki rangi, Pol əl-de ta ki də ta ti ki isi dəji-naa əji-n də ki lo koy ti lə njé koy je, ki təl ki Kirisi a təl tə re me təba ti (4.13-5.11). Pol təl ta makitibi ləne ki ndu je ki kadi njé kaw-naa je ai də ti tə, ta kuwə ji-naa tə (5.12-28).

Makitibi ki Pol ndangi adi njé kaw-naa je ki Təsaloniki ti kin, re ki me kosi nangi adi dije pəti ki isi dəji rəde ta də dəkagilo ti ki dəbəy ti. Dije ki njé kun go Kirisi ingəi me makitibi ti kin təkə əi dije ki əi me kunji ti ngata, ningə kilə ləde e ta kadi tji mede kati, mai naji lə Kirisi dəkagilo ti ki əi dənangi ti ne bəy kin. NGA ningə, ki əji də ndə ki Kirisi a re-n, dəw ki gər goto. Nə ta ləde e kadi indəi mede ti təkə Kirisi a re nqə, ə ndə ki tēg pati ba, a indəi bə naa ti sie (4.17).

Kuwə ji-naa

¹ Mi Pol, naa ti ki Silasi əi ki Timote[☆], ə ji ndangi makitibi kin j-adi səi njé kaw-naa je lə Luwə ki Bawje əi ki Bəbe lə Jəju Kirisi, ki isi Təsaloniki ti[☆]. Kadi me-maji ki kisi-maje lə Luwə e naa ti səsi.

Pol ra oyo Luwə mbata kadi-me lə Təsaloniki je

² Ji ra oyo Luwə ki ndə je ndə je mbata ti ləsi pəti, loki j-isi j-əl ta ləsi Luwə taa taa, me kəl ta ti sie.

³ Ta kəm Luwə ti ki Bawje, meje isi ole də kadi-me ti ləsi ki isi kəm, ki ndigi-naa ləsi ti tingə bil, ki kuwə təgi ba me kində me də Bəbe ti ləje Jəju Kirisi[☆].

⁴ Tadə ji gər maji kadi Luwə kəti səsi, səi ngakoje je ki ndigi səsi.

☆ **1:1** Knjk 15.22; 16.1 ☆ **1:1** Knjk 17.1-9; 1Təsa 2.1-2 ☆ **1:3** 1Kər 13.13

⁵ Təki rəjetı, Poy Ta ki Majı ki j-ilə mbəe dansı tı, e me ta ki kəl tı par al, nə e ki təgi, ki me ki kare ki NDil Luwə adi-je. Səi, igəri pa njiyəje ki jı njiyə-n dansı tı mbata majı ləsi kin bəti.

⁶ Ningə səi je, indaji-je nim, indaji Bəbe nim, tado itaai ta lə Luwə me kə je tı ki ngay. Itaai ki rənəl ki NDil Luwə adi səsi✧.

⁷ Lo kin tı, itəli ne ndaji mbata tı lə njé kadi-me je ki dənangi Masəduwan tı✧ ki dənangi Akay tı✧.

⁸ Ka ta lə Bəbe bə j rəsi tı, tēē dənangi Masəduwan tı ki dənangi Akay tı par al, nə poy kadi ki adi mesi Luwə kin sane ki lo je pəti. Sane sane ki j-aw ki ndoo kadi j-əl tae bəy taa al.

⁹ Dije kare kare əli ta ki dəje tı əji-n də kuwə ki uwəi-je ki rəsi tı, ki təl ki itəli gıdisi adi kagi yo je ləsi, ə itui kəmsi də Luwə tı ki rəjetı, ki nje kisi kəm ba, kadi irai bəə lie kin.

¹⁰ İrai bəə lie, inginəi ngone ki j dərə tı, ki un-e dan njé koy je tı taa. NGone Jəju ki nje taa je ta wongi tı ki a re.

2

Kilə ki Pol ra Təsaloniki tı

¹ NGakom je, səi je wa igəri majı kadi e kare ki ndangi ə j-aw-n rəsi tı al.

² Taa igəri majı bəy tə kadi kəte nə kawje ki rəsi tı, dije adi-je kə je taji-je je Pilipi tı, nə be ka Luwə adi-je təgi adi j-ilə-n səsi mbə Poy Ta ki Majı me rə je tı ki ngay✧.

³ Təki rəjetı, ta lə Luwə ki j-isi j-ilə səsi mbəe, ngire e də ne ki go tı al tı al nim, e də rəbi ne ki ay njay al

✧ 1:6 Knjk 17.5-9 ✧ 1:7 2Kər 1.16 ✧ 1:7 2Kər 1.1 ✧ 2:2 Knjk 16.19-24; 17.1-9

ti al nim, taa ji sangi rəbi kadi ji tə dəw madi al nim tə.

⁴ Nینگə, e Luwə ə oo-je kadi j-asi, ə ilə Poy Ta ki Maji jije ti kadi j-ilə mbee. NGa ningə, j-ilə mbee kilə ki kadi ji nəl-n dəw al, nə kadi nəl Luwə ki nje koo ngame dəw kəre kəre.

⁵ Səi je wa igəri maji kadi ndə kare j-əl səsi ta ki ji to-n səsi pe pe al jagi, taa ji tə səsi ki taje kadi j-ingə-n ne madi jisi ti al nim tə. Lo kin ti, Luwə asi kadi ma naji ləje.

⁶ Ji sangi kadi dəw piti je al, ji sangi piti ləsi al nim, ji sangi piti lə dije madi ki rangi al nim tə.

⁷ Nینگə ki rəjeti, ke je njé kaw kilə je lə Kirisi kin, asi kadi j-a j-ində-n təgi dəsi ti, nə loki je dansi ti, ji təl ji səl ləm ləm. Ji ra rəje tə kə ngan je ki isi ində kəmne go ngane je ti, isi ngəm-de be.

⁸ Ji ndigi səsi ndigi ki je-n basi kadi j-adi səsi Poy Ta ki Maji lə Luwə par al, nə je basi kadi j-un rəje wa j-adi səsi. Səi, itəli ne ki gate e ngay ki rəje ti.

⁹ M-gər kadi mesi a ole də kə ti ki j-ingə me kilə ki ra ti ki də kə rəgəgə ti ləje. Ji ra kilə kondə je, kada je kadi ji təl ne ki əy də dəw madi ti dansi ti al. Ji ra be ə j-ilə-n səsi mbe Poy Ta ki Maji lə Luwə.

¹⁰ Asi kadi imai naji ləje, taa Luwə ka asi kadi ma naji ləje tə təki, pa njiyəje ki rəsi ti səi ki adi mesi Kirisi, e pa njiyə ki ay njay, e pa njiyə ki dana, ne ki kadi dəw a ində-n ta dəje ti goto.

¹¹ Igəri kadi, kare, kare pəti, ji ra səsi təki baw ngan je a ra-n ngane je be.

¹² J-ilə dingəm mesi ti, j-adi səsi təgi, taa ji dəji səsi ki nja naa ti ki nja naa ti kadi pa njiyəsi e pa njiyə ki təji kadi səi dije lə Luwə. Luwə ki bar səsi kadi indəi rəsi naa ti səne də kəbe ti ki də təba ti ləne.

Kadi-me ki kə ki ingə dije ki Təsaloniki ti

¹³ Gın ne ki j-isi ji ra-n oyo Luwə ki ndə je ndə je ə to kin: loki j-ilə səsi mbə ta lə Luwə ə osi mbisi ti, itaai ta kin tə ta lə dəw par kare al, nə itaai təki e-n ta lə Luwə təki rəjeti. Ningə ta kin isi ra kilə mesi ti səi ki adi mesi Kirisi.

¹⁴ NGakom je, səi uni də nja njé kaw-naa je lə Luwə, ki adi mede Jəju Kirisi, ki isi Jude ti. Ingəi kə ji ngakosi je ti ki be koji-si ti, ko kə ki əi je ingəi ji *Jipi je ti✧.

¹⁵ Jipi je ki təli Bəbe Jəju ki njé kəl ta je ki ta Luwə ti, taa je ka adi-je kə tə. Kilə rade nəl Luwə al, ningə əi njé bə je lə dije pəti✧.

¹⁶ J-ilə mbə Poy Ta ki Maji dije ki əi Jipi je al, kadi ingəi kaji, nə əgi-je. Ta təl tae ti, wongı lə Luwə osi dəde ti.

Pol ndigi kadi n-təl n-aw Təsaloniki ti bəy

¹⁷ NGakom je, ki əji dəje, j-iyə səsi dəkagilo ki ndəy be, ningə je say səsi, kəmje ə oo naa al, nə meje e naa ti. Ji sangı ki rətije kadi ji təl j-o səsi, tadə j-aw ki bosi ngay.

¹⁸ E mbata kin ə, ji sangı kadi j-aw rəsi ti, ningə mi Pol wa ki dəm, m-sangı rəbi nja ngay, nə *Sata ilə kagi noje ti.

¹⁹ Ne ki e ne kində me də ti ləje, ne rənəl ləje, jəgi kəsi-gon ki j-a j-ındə-n guje nə Bəbe Jəju ti ndə re ti e səi kin.

²⁰ Təki rəjeti, səi ə səi ne təbə ləje ki ne rənəl ləje.

3*Timote aw kilə Təsaloniki ti*

✧ 2:14 Knjk 17.5-6 ✧ 2:15 Knjk 9.23-29; 13.45, 50; 14.2, 5, 19; 17.5, 13; 18.12

1 J-asi kadi j-ore meje, ji nginə bīti al, adi j-un nduje kadi j-isi ki karje ba Atən ti✧,

2 ə j-ilə ki ngokoje Timote, ki e madi-kiləje me kilə ti lə Luwə, əji-n də kilə mbə Poy Ta ki Maji lə Kirisi, kadi adi səsi təgi, ə ilə dingəm mesi ti me kadi-me ti ləsi.

3 E be mba kadi dəw madi dansi ti iyə rəne adi kə ki basine isi ingəi kin dum dəe al. Tado səi je wa igəri maji kadi e ne ki səbi dəje kadi a ra-je.

4 Dəkagilo ki ndə ki je-n səsi bəy, j-əl səsi j-ə nə dije a indəi kəmje ndoo, ningə e nee ka kin ə isi ra ne kin, adi e ne ki igəri maji.

5 E mbata kin ə, tə ka ki m-asi kadi m-ore mem, m-nginə bīti al, m-ilə Timote ki rəsi ti kadi dəji ta də kadi-me ti ləsi oo. M-bəl kadi su ədi səsi, adi kə ləje təl ne ki kare rəje ti.

6 Ningə ki basine kin, Timote təl rəsi ti re tē rəje ti ne✧, ə adi-je Poy Ta ki Maji ngay əji də kadi-me ləsi ki ndigi-naa ki to dansi ti adi j-o. Timote əl-je təkī mesi to dəje ti maji ngay ki ndə je pəti, taa əl-je bəy kadi indigi ngay kadi oi-je təkī je ka j-isi sangi ngay kadi j-o-n səsi ka kin be tə.

7 Lo kin ti ngakom je, me ndingə rə je ti, ki me kə je ti ləje pəti, j-ingə təgi rəsi ti ki takul kadi-me ləsi.

8 Ki basine kin, ji təl j-ingə təgi kisi kəm, tado uwəi təgisi ba me kində rə naa ti ki Bəbe.

9 Ji gər ne wa ki kadi ji ra taa kadi ji ra-n oyo Luwə ngay mbata ti ləsi, əji də rənəl ki adi j-ingə ta kəm Luwə ti kin, al.

10 Kondə ki kada, j-isi ji dəji Luwə ki rətije kadi adi-je ta rəbi adi ji təl j-o-n səsi, ə kadi ji təl-n ta ne ki du səsi me kadi-me ti ləsi tə.

✧ 3:1 Knjk 17.15-16 ✧ 3:6 Knjk 18.5

¹¹ Kadi Luwə ki Bawje ə wa, əi ki Bəbe ləje Jəju Kirişi, tēēi ta rəbi ki kaw rəsi adi-je.

¹² Nینگə kadi Bəbe ra adi ndigi-naa ki to dansi ti, ki ndigi ki isi indigi dije pəti kin aw ki kəte kəte, to tə ndigi ki je j-isi ji ndigi səsi kin be tə.

¹³ Taa kadi Luwə adi səsi təgi ngəmesi ti, kadi ndə ki Bəbe Jəju a re ki dije ləne 6a, kadi ayi njay, ta goto dəsi ti nqo Luwə ti ki Bawje.

4

Pa njiyə ki nəl Luwə

¹ NGakom je, də ndəgi ta je ti, ji ndo səsi pa njiyə ki kadi injiyəi kadi nəl Luwə, nینگə e pa njiyə ka kin to ə isi injiyəi, nə ji təl ji dəji səsi 6əy, taa j-ilə dینگəm mesi ti me tə Bəbe Jəju, kadi irai adi maji ki də made ti 6əy.

² Səi, igəri ne ndo ki j rə Bəbe Jəju ti ki j-adi səsi kin maji.

³ Ne ki Luwə ndigi rəsi ti, e ta kadi ayi rəsi njay, əgi rəsi sangi-naa kaya ti.

⁴ Kadi dəw ki ra dansi ti, gər lo kisi ki dəne ki go rəbi ki ay njay, ki adi kəsi-gon,

⁵ ki kanji kadi ngur darə aw sie adi ra ko ne ki dije ki gəri Luwə al isi rai kin.

⁶ Ki əji də lo kin, kadi dəw madi ra majal ki ngokone ə se kadi əde al, tadə dije ki njə ra ne ki be kin, bəe a uwə-de ki rə Bəbe ti, adi j-əl səsi kəte, ə ji təl j-əl 6əy ngata.

⁷ Tadə Luwə 6ar-je kadi j-ayi njay, 6i 6ar-je mba kadi ji sangi-naa kaya ti al.

⁸ E be ə, dəw ki əsi ne ndo kin ngərəngi, e dəw ə əse ngərəngi al, nə e Luwə ə əse ngərəngi. Luwə wa ki nje kadi səsi NDilne kin.

⁹ Ki əji də ndigi ki kadi ngakona je ndigi-naa, awi ki ndoo kadi ji ndangi makitibi də ti j-adi səsi al, tado səi je wa, Luwə əji səsi rəbi ndigi-naa dansi ti yo ki ne adi igəri.

¹⁰ Nینگə e ka tə ə isi əji ki rə ngakoje je ti pəti ki dənangi Masəduwan ti ki tae ba kin[☆], nə ngakom je, j-ilə dıngəm mesi ti kadi irai adi maji ki də made ti wa bəy.

¹¹ Kadi ne ki uwə mesi ngay, e kisi ki naa ki lapıya, kadi dəw ki ra dansi ti ore kəmne də kilə je ti ləne, nینگə kadi irai kilə ki jisi səi je wa ə ینگə ne.

¹² Lo kin ti, dije ki əi njé kadi-me je al, a piti səsi me kilə rasi ti, nینگə a awi ki ndoo ne madi ki to rəsi ji dəw madi ti al tə.

Njé koy je ki njé kisi kəm je ndə təl Bəbe ti

¹³ NGakom je, ji ndigi kadi isi day də ta ti ki də njé koy je ti al. Kadi isi day, ینگəi rəsi tə ndəgi dije ki awi ki ne kində me də ti al kin al.

¹⁴ Tə ka ki j-adi-n meje kadi Jəju oy, ə j lo koy ti ka kin ə, j-adi meje kadi njé ki oyi me kində rə naa ti ki Jəju, Luwə a un-de lo koy ti ki Jəju.

¹⁵ Nینگə ta ki kadi j-əl səsi ə to kin, e ta lə Bəbe. J-əi ki j-a j-isi kəm ba ndə təl Bəbe ti, j-a j-aw dərə ti noo njé ki oyi ti al.

¹⁶ Tado loki ndu nje kun də malayka je, ki ndu təbi lə Luwə a ba ba, Bəbe wa a j dərə ti taa re, nینگə dije ki adi mede Kirisi ki oyi, a j lo koy ti kəte,

[☆] 4:10 2Kor 1.16

17 nga ningə go ti ɓa, j-əi ki j-isi ki dɔje taa ɓəy, Luwə a ɔy-je naa ti səde me kil ndi ti, kadi j-ingə Babe me nəl ti, ngadan lo ti. Lo kin ti, j-a j-isi naa ti ki Babe ki ndɔ je ndɔ je✧.

18 Maji kadi iləi dɪngəm me-naa ti yo je ki ne je ki ta je kin.

5

Kisi dɔ nja ti nginə-n ndɔ təl Babe

1 NGakom je, ki ɔji dɔ dɔ kadi ki dɔkagilo ki kadi ne je kin a rai ne, awi ki ndoo kadi ji ndangi makitibi dɔ ti j-adi səsi al.

2 Səi je wa igəri maji ngay kadi ndɔ lə Babe a re tə nje ɓogi ki a re ɓogi ti kondɔ kin be.

3 Loki dije a əli əi nə: «Lapiya to ngata, j-isi maji ngata!» kin ɓa, e ə tuji a tɛɛ ibə-de nangi busi, təkɪ ndoo ki a ra-n dənə ki nje səm kin be. Ningə dəw ki a asi kadi tɛɛ ay ta ne ti kin goto.

4 Nə səi ki səi ngakom je, isi me til ti ɓa ne kin a ibə-n səsi nangi busi tə nje ɓogi ki a re be al.

5 Tado pəti, səi ngan je ki me kunji ti, səi ngan je ki kada. J-əi dije lə lo ki kondɔ al nim, j-əi dije lə til al nim tɔ.

6 Ə adi ji toi bi tə ndəgi dije be al, adi j-isi kəm, j-adi kəmje aa.

7 Njé to bi je, toi bi kondɔ, ə njé kay kasi je, kasi ra-de kondɔ tɔ.

8 Nə j-əi ki j-əi dije lə lo ki kada, sɔbi kadi j-əi njé kəm-kaa je. Adi j-uni kadi-me əi ki ndigɪ-naa tə nda dɔ ɓədi je, ə kində me dɔ kaji ti tə jɔgi taa ne katɪ dɔje ti tɔ.

✧ 4:17 1Kor 15.51-52

⁹ Tado Luwə ɓar-je mba kadi wongi lie ində-je al, nə mba kadi j-ingəi kaji ki go rəbi lə ʔaɓe ləje Jəju Kirisi.

¹⁰ Kirisi ki oy mbata ti ləje, mba kadi re j-isi kəm ba, ə se j-oy ka, ji təl j-ində ɓe naa ti sie.

¹¹ E mbata kin ə, maji kadi iləi dɪngəm me-naa ti je, irai ki naa je kadi itɔgi me kadi-me ti ləsi, ki yo je ki ne je, təki isi irai ngata kin be.

Ta kəji ki dɔbɔy ti ki kuwə ji-naa

¹² NGakom je, ji dəji səsi kadi oi to dije ki isi rai kilə dansi ti, adi e njé ki isi indəi kəmde gosi ti ki go ndu ʔaɓe ti, isi ndəji səsi kin.

¹³ Maji kadi itɔji-de ge ki igei ta ləde ki taga wangi ki ndigi-naa adi-de gəri, mbata kilə ki isi rai. Maji kadi isi ki naa ki lapiya dansi ti.

¹⁴ NGakom je, ji dəji səsi kadi indəri mbi dije ki isi njiyəi biriri, iləi dɪngəm me njé ki mede tuji ti, əsi gin njé ki tɔgide goto, ə isi dɔ ti ki dije pəti.

¹⁵ Kadi oi maji, kadi dəw madi igə kirə majal ki made ra sie ki majal al, nə kadi adi kəmsi e go maji ki ra ti ki ndɔ je pəti. Irai maji ki naa dansi ti səi je wa nim, ki rɔ dije ti pəti nim tɔ.

¹⁶ Adi rəsi nəl səsi ki ndɔ je pəti,

¹⁷ əli ta ki Luwə ki kanji kiyə tae,

¹⁸ irai-e oyo me ne je ti pəti. E kin ə e ne ki Luwə ge rəsi ti, səi ki indəi rəsi naa ti ki Jəju Kirisi.

¹⁹ Nɪngə maji kadi, NDil Luwə ki isi mesi ti kin, ɔgi-e al, kadi ɔr səsi ta rəbi,

²⁰ taa ta ki njé kəl ta je ki ta Luwə ti əli ka, kadi ikidi al tɔ.

²¹ Nə kadi indəi manji ne je pəti, ɓa uni ki maji dan ti.

²² ɔgi rəsi ra majal je ki dangi dangi.

²³ Maji kadi Luwə wa ki nje kadi dije lapiya, ər səsi ki tae ba, ində səsi ta dangi mbata ti lie. Ningə kadi ngəm ndiɓi, ki rəsi, ki darəsi, kadi ndo təl Bəbe Jəju Kirisi ti ə, awi ki ta dəsi ti al.

²⁴ Luwə ki ɓar səsi a do njane ti, adi e e wa ɓəy ə a ra ne je kin.

²⁵ NGakom je, əli ta ki Luwə mbata ti ləje.

²⁶ Uwəi ji ngakoje je pəti ki kuwə-naa ki ro ti rututu.

²⁷ M-dəji səsi me to Bəbe Jəju Kirisi ti, kadi itidəi makitibi kin mbi ngakoje je ti pəti.

²⁸ Ningə kadi me-maji lə Bəbe Jəju Kirisi e naa ti səsi pəti to. Amen!

KĒLƏ-MĪNDĪ KĪ SĪĞĪ

New Testament in Bedjond (CD:bjv:Bedjond)

copyright © 2011 Wycliffe Bible Translators, Inc.

Language: Bedjond

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bedjond

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-11-01

PDF generated using Haiola and XeLaTeX on 25 Aug 2024 from source files
dated 29 Jan 2022
a4f34a03-c89e-55e0-bc3f-22f7829df823